

KGWEDITHARO

1



Kgaolo ya
1

Botsala

Beke 1-2

Dikgono tse di solofetsweng

Go reetsa le go bua

- O reetsa kgangkhutshwe
- O supa poloto, baanelwa le maitshetlego
- O bonelapele ditiragalo
- O araba dipotso tse molomo
- O boeletsa ditiragalo

Go buisa le go lebelela

- O buisa kgangkhutshwe
- O bonelapele setlhangwa
- O sekaseka tlotlofoko e ntšhwa
- O tshwaela ka poloto le baanelwa
- O tthagisa maikutlo ka setlhangwa
- O buisetsa kwa godimo ka lebelo le le nepagetseng
- O dirisa thanodi
- O boeletsa kgang
- O amanya setlhangwa le botshelo ba gagwe
- O tlhalosa lebaka le tatelano

Go kwala le go tthagisa

- O kwala kgang ka maitemogelo a gagwe
- O tlhopha diteng tse di maleba le Kgaolo
- O akaretsa poloto le baanelwa
- O dirisa thutapuo, mopeleto le matshwao a puiso a a maleba
- Tlotlofoko e tsamaelana le Kgaolo
- Tlhama thanodi

Dipopego tsa puo le melawana

- Mainagotlhe
- Madirimafeledi
- Dipolelo tse di bonolo, dipolelwana
- Pakajaanong
- Pakaphethi
- Makaelagongwe
- Mopeleto le Khutlo

Didiriswa

Buka ya morutwana e e rebotsweng, Dibuka tsa puiso, Metswedi ya dibuka tsa tlaleletso, Thanodi, Makwalodikgang, Dimakasine le Dilwana tsa go kwalela.

Kitso ya pele

Morutwana o itse le go tshaloganya:

- Go buisa le tiriso ya matshwao
- Puo e e tlhamaletseng le e e sa tlhamalalang
- Go tshwara motlotlo

Beke 1**A. Go reetsa le go bua**

(Kgangkhutshwe)

Ditiro

Morutabana	Morutwana
<ul style="list-style-type: none"> • Simolola ka go tthalosa bokao jwa mareo a a latelang: baanelwa, poloto le maitshetlego • Buisana le bone ka kgaolo le ditshwantsho go bonelapele diteng tsa setlhangwa • Ba buisetse kgang • Botsa dipotso 	<ul style="list-style-type: none"> • Ba tthalosa se ba solofelang go se utlwa mo setlhangweng • Ba tthalose se ba se tshaloganyang ka ga baanelwa • Ba kgone go bonela ditiragalo kwa pele go ya ka se ba se utlwileng

Dikarabo tse di solofetsweng

1. E ka ga botsala jo bo siameng.
2. Baanelwa ke Pule, Dithuso.
3. Ga a kitla a kgona gone Dithuso a le boikanyego.
4. Ditsala tse di siameng le tse di sa siameng.
5. Ee. Dithuso ke ntšwa mme ke tsala ya ga Pule.
6. Karabo nngwe le nngwe e e amogelesegang e amogelwe.
7. Ke botsala magareng ga modiri le mothapi.

B. Go buisa le go lebelela

(Puiso ya kgangkhutshwe)

Ditiro

Morutabana	Morutwana
<ul style="list-style-type: none"> Boeletsa diponelopele tsa kgangkhutshwe e e buisitsweng mo karolong ya Go reetsa Ba botse dipotso tse di tseneletseng ka ga ditsala tsa bone Ba botse ka mafoko a mašwa mo setlhangweng mme ba a tlhalose Ba thuse go dirisa medumopuo mo mafokong a ba sa a itseng go a buisa 	<ul style="list-style-type: none"> Ba tlhalose tlotlofoko e ntšhwa Ba tlhalose poloto le baanelwa Ba tlhagise maikutlo a bone ka ga setlhangwa Ba buisetsa kwa godimo ba tlhokometse kapodiso le go buisa ka lebelo le le nepagetseng Ba tsenye mafoko a mašwa mo thanoding mmogo le bokao ba one

Dikarabo tse di solofetsweng

- Go tlhagisiwa mofuta wa botsala jo bo siameng le gore bo itshupa ka matshwao a ntse jang.
 - Baanelwa ke Dithato, Seano, Seitebaleng le mmaagwe Seano.
 - Ke tsala e e siameng gonne o kgona go utlwela Dithato botlhoko le go mo akanyetsa ka dithuso tse a ka mo neelang tsone.
- Tsala e e siameng e kgona go:
 - Utlwela yo mongwe botlhoko, ga e go tshege.
 - Go thusa ka fa e ka kgonang.
 - Go kgalema fa o fapoga mo tseleng.
- gwanta – go tsamaela ka bonako
 - Diyamaleng – dijo
 - Balolang – monate
 - Maitapiso – go itshwenyetsa lefela

C. Go kwala le go tlhagisa

(Go kwala kgang)

Ditiro

Morutabana	Barutwana
<ul style="list-style-type: none"> Tlotla le barutwana ka go itlhophelela kgaolo Ba lemose fa kgaolo e tshwanetse go tsamaelana le diteng Ba neele maele ka go ipaakanyetsa go kwala kgang ka go kwalakwala dintlha tsa kgang pele ba ka kwala. O ka ba direla letlhomeso la kgang go le dirisa Tlotlofoko e tsamaelane le kgaolo 	<ul style="list-style-type: none"> Ba tlhopha Kgaolo Ba baakanyetse setlhangwa ka go kwala dintlha tse di maleba le Kgaolo Ba kwala go ya ka letlhomeso ba dirisa mopeleto le tlotlofoko tse di nepagetseng Ba tlhokomele thutapuo ya bone

Dikarabo tse di solofetsweng

- Kgaolo le diteng tsa boithamelolo e nne tse di tsamaelanang.
- Sebopego e nne se se solofetsweng.

D. Dipopego tsa puo le melawana**Ditiro**

Morutabana	Barutwana
<ul style="list-style-type: none"> • Botsa barutwana ka dikarolo tse ba setseng ba di dirile • Ba botse dipotso go ba tlisa mo maineng a o a batlang • Ba neele dikao tsa mainagotlhe • Makaelagongwe: Ba tlhalosetse se e leng one ka dikao • Madirimafeledi: Tlhalosa ka moo ba ka a lemogang ka teng 	<ul style="list-style-type: none"> • Ba araba dipotso • Ba tlhokomela mokwalo o o tlhapileng • Ba dirisa mopeleto o o nepagetseng

Dikarabo tse di solofetsweng**1. Mainatota**

- Dithato le Tlhabane.
- Pule le Kgosi.

2. Mainagotlhe

- Tsala
- Ntšwa
- Difofu
- Motho

3. Makaelagongwe

- Bolokiwa – fitlha
- Diyamaleng – dijo
- Balolang – monatenate
- Gwanta – go tsamaela ka pele
- Khutsafalo – kutlobotlhoko

4. Madirimafeledi

- Rre o a bona.
- Re a bua.
- Mme o a robala.
- Bana ba a kwala.

Khutlo

- Ke gone ba gorogang kwa sekolong. E rile ba bona mogokgo ba bo ba sia.
- O ya go nna le mmangwane Seitebaleng.

Beke 2**A. Go reetsa le go bua**

(Poeletso ya ditiragalo)

Ditiro

Morutabana	Barutwana
<ul style="list-style-type: none"> Ba buisetse kgang e e mo Beke 1. Tlotla le barutwana ka ditiragalo. Buang ka maina a baanelwa. 	<ul style="list-style-type: none"> Ba reetse tatelano ya ditiragalo. Ba anele tatelano ya ditiragalo sentle. Ba neele maina a baanelwa sentle.

Dikarabo tse di solofetsweng

- Tatelano ya ditiragalo
 - Tlhaloso ya botsala
 - Mefuta ya ditsala
 - Dithuso tsa tsala ya ga Pule
 - Boikanyego ba tsala ya ga Pule
- Baanelwa ba babedi
 - Dithuso
 - Pule

B. Go buisa le go lebelela

Morutwana a tlhagise se a se gakologelwang go tswa mo puisong.

- Ke tsaya Dithato le Seano e le ditsala tsa tlhogo ya kgomo.
- Seano ke tsala tota ya boikanyego e motho a ka e itshepisang, jaaka botsala ba me le tsala ya me.
(Karabo e e maleba e amogelwe)

C. Go kwala le go tlhagisa

(Go kwala kgang)

Ditiro

Morutabana	Barutwana
<ul style="list-style-type: none"> Dirisa kgaolo e barutwana ba e tlhophileng mo bekeng e e fetileng, poloto le baanelwa Ba neele letlhomeso le go ba tlhalosetsa gore le dirisiwe jang Tlhatlhoba le go tshwaya setlhangwa sa ntlha le go ba eletsa ka go tlhabolola mokwalo 	<ul style="list-style-type: none"> Ba dirise letlhomeso le ba le neetsweng go kwala setlhangwa Ba tlhabolole setlhangwa sa ntlha ka go tlhatlhoba diteng gore a di maleba, mopeleto a o siame le gore tlotlofoko a e maleba Ba kwala setlhangwa sa bofelo ka mokwalo o o tlhabolotsweng

Dikarabo tse di solofetsweng

Dintha tse di fa godimo di latelwe ka nepagalo. Fa o tshwaya o tlhokomele thutapuo le matshwao a puiso.

Sekao sa go kwala kgang o dirisa letlhomeso: Tsala ya boikanyego

Ke na le tsala, leina la gagwe ke Mpho. Botsala ba rona bo simologile fa re simolola go tsena sekolo ka ngwaga wa 2 000 go fitlha gompiano. Ke lemogile gore ke tsala e nka e ikanyang. O nthusa ka metlha fa ke tlhoka thuso jaaka go kile ga diragala fa ke ne ke latlhegetswe ke pene. O ne a nkadima e nngwe ya gagwe ka lerato, a sa ngongorege.

D. Dipopego tsa puo le melawana**Ditiro**

Morutabana	Barutwana
<ul style="list-style-type: none"> Ba gopotse ka dithuto tse ba setseng ba di dirile jaaka mainagotlhe, madirimafeledi jj. Ba neele dikao gore ba di sale morago Ba araba dipotso tse di neetsweng 	<ul style="list-style-type: none"> Ba buise ditaello tse go araba dipotso mme ba di sale morago Ba botse dipotso fa ba tlhokang thuso gone

Dikarabo tse di solofetsweng**1. Dipolelo tse di maleba di amogelwe**

- Re robala bosigo thata.
- Botsala ba nnete bo botlhokwa.
- Reka diyamaleng tse di balolang.
- Ba gwanta mo mebileng.
- Re aparetswe ke khutsafalo.

2. Pakajaanong

- Ba jela ka kwa morago ga phaposi.
- Sekolo se a tswa.
- Ba tshelela mo khutsafalong.

3. Pakaphethi

- Re tshamekile kgwele ka maabanyane.
- Ke epile mosima wa go tshamekela diketo le tsala.
- Mme o adimile ngwana.

Kgaolo ya
2

Setso

Beke 3-4

Dikgono tse di solofetsweng

Go reetsa le go bua

- O buisana ka athikele go tswa mo kuranteng
- O buisana ka dintlhakgolo
- O aroganya le go neela dikakanyo
- O kgona go refosana
- O tlhopha diteng tse di maleba
- O dirisa tshimologo, mmele le bokhutlo
- O ikaega ka Kgaolo
- O dirisa thulaganyo e e latelanang ya dikakanyo
- O dirisa dikgono tsa tlhagiso, sk. modumo wa lentswe

Go buisa le go lebelela

- O buisa setlhangwa sa tshedimosetso
- O bonelapele setlhangwa
- O buisana ka ditlhogo tsa dikgang
- O buisana ka dikakanyokgolo le dintlha tse di kgethegileng
- O tshwaela ka tlhopho ya ditshwantsho mo setlhangweng
- O tlhalosa bokao jwa mafoko
- O tlhagisa tsibogo ya maikutlo

Go kwala le go tlhagisa

- O kwala pegelo ya dikgang
- O dirisa ditlhogo tsa dikgang
- O tlhopha diteng tse di maleba
- O dirisa letlhomeso le le maleba
- O kwala kgaolo ya dikgang
- O latelanya ditiragalo sentle
- O dirisa tlotlofoko e e maleba
- O dirisa thutapuo, mopeleto le matshwao a puiso a a maleba
- O siamisa mopeleto a dirisa thanodi
- O kokoanya dikakanyo a dirisa mmepe wa tlhaloganyo
- O tlhagisa setlhangwa sa ntlha
- O boeletsa tiro
- O tlhotlha diphoso
- O kwala setlhangwa sa bofelo

Dipopego tsa puo le melawana

- Mainagotlhe, madirimafeledi
- Dipolelo tse di bonolo, dipolelwana
- Malatodi
- Mopeleto le matshwao a puiso: phegelwana

Didiriswa

Buka ya morutwana e e rebotsweng, Dibuka tsa puiso, Metswedi ya dibuka tsa tlaleletso, Thanodi, Makwalodikgang, Dimakasine le Dilwana tsa go kwalela.

Kitso ya pele

Morutwana o itse le go tshaloganya:

- Go buisa le tiriso ya matshwao
- Puo e e tlhamaletseng le e e sa tlhamalalang
- Go tshwara motlotlo
- Go kwala le go dirisa dilwana tsa go kwala

Beke 3**A. Go reetsa le go bua**

(Kgang ya athikele)

Ditiro

Morutabana	Barutwana
<ul style="list-style-type: none"> • Tlhalosetsa barutwana mofuta wa setlhangwa se se mo bukeng ya bone le gore athikele ke eng e bile e bonwa kae, e farologana jang le se se tlhagelelang mo bukeng. • Rotloetsa barutwana go tsamaisetsa matlho ka bonako go nopola dintlha. • Ba botse gore dintlha tse ba di boneng ke dife ntle le go ba neela nako e ntsi go di buisa. Ba di nopolele ka bonako. • Ba tlhalose se ba se tshaloganyang ka ga setso. 	<ul style="list-style-type: none"> • Ba abelane dikakanyo ka se ba tshaloganyang se setso e leng sona, ba neele le dikao. • Ba reetse ka tlhoafalo gore ba kgone go nopola dintlhakgolo tse setlhangwa di se tshagisang. • Ba atolose dintlha ka go neela dikao tsa dintlha tse ba di utlwileng jaaka ntlha ya diaparo - di tshagisa setso ka mokgwa ofe.

Dikarabo tse di solofetsweng

1. Ba ka tlhalosa ka mokgwa o o latelang: Moaparo wa motho o kgona go bolela gore moapari ke wa setso sefe. Sekao: lesela la kgaka – setso sa Setswana, modianyewe – setso sa Sesotho, jalo jalo.
2. Go buiwa ka se setso e leng sone le dilo tse di tshagisang jaaka karolo ya setso.
3. E nthutle se ke leng sone ka ntlha ya setso (kgotsa karabo e e amogelesegang).
4. Ka moaparo o kgona go itse gore motho ke wa setso sefe: Rampheetshane – ke setlhako se Motswana a se dirang ka letlalo la sefatla sa kgomo.
Seanyane – ke futshe ya Motswana ya letlalo.
Motlokolo – ke mosese o moleele kwa morago o fitlha kwa manganeneng o aparwa ke mosadi yo o nyetsweng, kwa pele o felela fa tlase ga mangole.
5. Nka o apaya mme morago ka o omisa.

B. Go buisa le go lebelela

(Athikele ya dikgang)

Ditiro

Morutabana	Barutwana
<ul style="list-style-type: none"> • Katisa barutwana mo ditirwaneng tsa pele ga puiso jaaka go tlhatlhoba kgaolo le ditshwantsho, go tsamaisa matlho mo setlhangweng go nopola ka bonako dintlha tsa puiso go bona diteng. • Ba lebelele ditlhogo tse di farologaneng tsa dikgang, ba bone gore di farologana jang, le gore a ditshwantsho di tsamaisana le ditlhogo. 	<ul style="list-style-type: none"> • Ba dirise ditshwantsho go ranola bokao. • Ba katise matlho go tsamaela ka bonako go okola dintlha. • Ba kgone go neela tshwetso gore a tlhopho ya ditshwantsho e maleba le kgaolo le diteng. • Ba neele tlhaloso ya bokao jwa mafoko mangwe a a rileng.

Dikarabo tse di solofetsweng

- Go na le mmimo le dipina tsa setso tse di farologaneng. Ngwana o rutwa ditiro tsa legae.
 - MaChina a na le setso se se farologaneng, se se bogisang maoto a basetsana ka go ngotliwa.
 - KGAOLO YA “pula e nele” se farologana le tse dingwe gonne ga se bue ka ga setso.
 - Ke ithuta dikarolo tse di farologaneng tsa setso
 - Ee – KGAOLO YA mmimo wa setso se bontsha batho ba bina
 - KGAOLO YA maChina se bontsha mosadi wa setso seo.
- Manatetshapuo – puo e e natefisang puo: itshwara letlhaa – go gakgamala, fatlhosa – go tlhalefisa
- Seano Nkgo
- Le tlhalosa fa lekwadikgang le utlwiwa gotlhe, le rwalela dikgang gotlhe. Le kgona go phatlalatsa dikgang tse di molemo le go kitlanya malapa.

C. Go kwala le go tlhagisa

(Ikwalele kgang)

Ditiro

Morutabana	Barutwana
<ul style="list-style-type: none"> • Tlotla le barutwana ka ditlhogo tse ba sa tswang go di buisa ba bone ka moo di tlhophilweng ka kelotlhoko • Ba lemose gore kgaolo e tshwanetse go neelana ka diteng tsa kgang • Ba lemose botlhokwa ba go gogela mmuisi fela go tswa kwa tshimologong ya matseno • Ba direle letlhomeso le ba tla le dirisang go kwala le go araba dipotso tse di rileng • Ba rotloetse go dirisa thanodi 	<ul style="list-style-type: none"> • Ba akanye le go neela ditlhogo tse ba ka kwalang ka tsone • Ba kwale dintlha tse ba eletsang go kwala ka tsone morago ba di tlhomaganye gore ditiragalo di latelane sentle • Ba dirise tlotlofoko e e golang